

Dogfen ir Cyhoedd



CYNGOR SIR
YNYS MÔN
ISLE OF ANGLESEY
COUNTY COUNCIL

Mr Dylan Williams
Prif Weithredwr – Chief Executive
CYNGOR SIR YNYS MÔN
ISLE OF ANGLESEY COUNTY COUNCIL
Swyddfeydd y Cyngor - Council Offices
LLANGFNI
Ynys Môn - Anglesey
LL77 7TW

Ffôn / tel (01248) 752500
Ffacs / fax (01248) 750839

RHYBUDD O GYFARFOD	NOTICE OF MEETING
CYNGOR YMGYNGHOROL SEFYDLOG AR ADDYSG GREFYDDOL (CYSAG)	STANDING ADVISORY COUNCIL FOR RELIGIOUS EDUCATION (SACRE)
DYDD IAU, 16 TACHWEDD 2023 AM 2:00 O'R GLOCH	THURSDAY, 16 NOVEMBER 2023 AT 2:00 PM
CYFARFOD HYBRID – YN YSTAFELL BWYLLGOR 1 AC YN RHITHWIR	HYBRID MEETING – VIRTUAL AND IN COMMITTEE ROOM 1
Swyddog Pwyllgor	Shirley Cooke 01248 752514 Committee Officer

AELODAU / MEMBERS

Cynghorwyr / Councillors:-

Non Dafydd, Douglas M Fowlie, Gwilym O Jones, Dylan Rees, Arfon Wyn

Yr Enwadau Crefyddol/Religious Denominations

Parch/Rev Neil Ridings (Yr Eglwys yng Nghymru/The Church in Wales), Colette Owens (Yr Eglwys Babyddol/The Catholic Church), Parch/Rev Sue Atree (Yr Eglwys Fethodistaidd/The Methodist Church), Parch/Rev Deborah Stammers (Undeb y Bedyddwyr/The Baptist Union of Wales), Edward Morus Jones (Undeb yr Annibynnwyr Cymraeg/ Union of Welsh Independents), Elaine Green (Yr Eglwys Bresbyteraidd/ Presbyterian Church of Wales)

Athrawon/Teachers

Mefys Jones-Edwards (Ysgol Syr Thomas Jones), Heledd Hearn (Ysgol Uwchradd Bodedern), Owain Roberts (Ysgol Cybi), Manon Morris Williams (Ysgol Santes Dwynwen)

Aelodau Cyfetholedig/Co-Opted Members

Rheinallt Thomas

Nodwch os gwelwch yn dda fod cyfarfodydd y Pwyllgor yn cael eu ffrydio ar gyfer eu darlledu'n fyw a'u darlledu ar wefan y Cyngor. Mae'r Awdurdod yn Rheolydd Data dan y Ddeddf Diogelu Data a bydd data a gesglir yn ystod y ffrydio byw hwn yn cael ei gadw'n unol â pholisi cytunedig yr Awdurdod.

R H A G L E N

1 **DATGANIAD O DDIDDORDEB**

Derbyn unrhyw ddatganiad o ddiddordeb gan Aelod neu Swyddog parthed unrhyw eitem o fusnes.

2 **COFNODION** (Tudalennau 1 - 6)

Cyflwyno i'w cadarnhau, gofnodion drafft cyfarfod blaenorol CYSAG a gynhaliwyd ar 12 Gorffennaf 2023.

3 **DIWEDDARIAD CCYSAGAUC** (Tudalennau 7 - 16)

- Derbyn diweddariad gan Glerc y CYSAG ac aelodau'r CYSAG a fynychodd cyfarfod CCYSAGauC ar 25 Hydref 2023.
- Cyflwyno er gwybodaeth, gofnodion drafft y cyfarfod CCYSAGauC a gynhaliwyd ar 19 Mehefin 2023.

4 **YSGOL SANTES DWYNWEN - LLYTHRENNEDD DRWY CHREFYDD, GWERTHOEDD A MOESEG**

I dderbyn diweddariad gan Bennaeth Ysgol Santes Dwynwen, Niwbwrch.

5 **TEITHIAU DYSGU (UWCHRADD)**

- Diben - Dealltwriaeth gyfredol CYSAG Ynys Môn o gwricwlwm Crefydd, Gwerthoedd a Moeseg (CGM).
- Sesiwn holi'r Pwyllgor - 'Beth hoffwch chi weld?'
- Tasg

6 **RHESTR CHWARAE - CREFYDD, GWERTHOEDD A MOESEG**

I dderbyn diweddariad gan Glerc y CYSAG.

7 **LLEOLIADAU CREFYDDOL AC YSBRYDOL YNYS MÔN**

- Defnyddio arbenigedd aelodau
- Tasg

8 **DIWEDDARIAD GAN Y CYFARWYDDWR**

I dderbyn diweddariad gan y Cyfarwyddwr Addyg, Sgiliau a Phobl Ifanc.

9 **UNRHYW FATERION ERAILL**

Unrhyw faterion eraill – gyda chytundeb y Cadeirydd.

10 **CYFARFOD NESAF**

Cynhelir cyfarfod nesaf CYSAG ar ddydd Mercher, 15 Chwefror 2024 am 2:00 o'r gloch ym.

This page is intentionally left blank

**CYNGOR YMGYNGHOROL STATUDOL AR ADDYSG GREFYDDOL
(CYSAG)**

Cofnodion y cyfarfod a gynhaliwyd ar 12 Gorffennaf 2023

YN BRESENNOL: Cynghorydd Non Dafydd (Cadeirydd)

Yr Awdurdod Addysg

Cynghorwyr Douglas M Fowlie, Gwilym O Jones, Dylan Rees

Yr Enwadau Crefyddol

Mr Edward Morus Jones (Undeb yr Annibynwyr Cymraeg)
Mrs Collette Owens (Yr Eglwys Gatholig)
Y Parchedig Neil Ridings (Yr Eglwys yng Nghymru)

Athrawon-gynrychiolwyr

Mrs Mefys Jones-Edwards (Ysgol Syr Thomas Jones, Amlwch)
Mrs Manon Morris-Williams (Ysgol Santes Dwynwen)

Aelod Cyfetholedig

Mr Rheinallt Thomas

WRTH LAW:

Cyfarwyddwr Addysg, Sgiliau a Phobl Ifanc
Mr Owen T Davies (Uwch Reolwr Cynradd, Addysg) (Clerc y CYSAG)
Miss Bethan James (Ymgynghorydd Cefnogi Gwelliant, GwE)
Mrs Shirley Cooke (Swyddog Pwyllgor)

HEFYD YN

BRESENNOL:

Mr Richard Jones (Ysgol Santes Fair, Caergybi)

YMDDIHEURIADAU:

Cynghorydd Arfon Wyn
Y Parchedig Deborah Stammers (Undeb Bedyddwyr Cymru)
Mrs Heledd Hearn (Ysgol Bodedern)
Mr Owain Roberts (Ysgol Cybi)

1. DATGANIAD O DDIDDORDEB

Ni dderbyniwyd unrhyw ddatganiad o ddiddordeb.

2. COFNODION

Materion yn codi -

Cyflwynwyd cofnodion drafft cyfarfod blaenorol y CYSAG a gynhaliwyd ar 8 Mawrth 2023 I'r Pwyllgor. Ceisiwyd eglurder ar y penderfyniad yn Eitem 9 y cofnodion mewn perthynas â phenodi aelod newydd i'r CYSAG.

Roedd aelod o'r CYSAG yn cofio mai'r gair allweddol oedd 'grŵp', a byddai'n rhaid i'r cynrychiolydd newydd fod yn aelod o 'grŵp' sy'n weithredol ar Ynys Môn, ac nid unigolyn. Derbyniodd y Pennaeth Addysg, Sgiliau a Phobl Ifanc y sylw, a chynhigiwyd trafod y mater ymhellach yn Eitem 4 yr agenda, gan eithrio'r cyhoedd a'r wasg, a bu i'r CYSAG gytuno ar hynny.

3. SGWRS AM YMWELIADAU YSGOL – ADDOLIAD AR Y CYD

Cafwyd cyflwyniad gan yr Uwch Reolwr Cynradd yn ymwneud â'r cymorth a'r adnoddau sydd ar gael ar-lein ar Hwb Cymorth Arweinwyr Ysgolion Ynys Môn. Rhoddodd drosolwg o'r wybodaeth sydd ar gael ar y dudalen CYSAG a darparodd ddolen fel bo'r CYSAG yn gallu gweld y wybodaeth ar yr Hwb. Dywedodd mai'r bwriad yw datblygu Crefydd, Gwerthoedd a Moeseg ymhellach ar y wefan. Nodwyd bod y ficrowefan yn esblygu'n barhaus, ac yn cael ei diweddarau'n rheolaidd gyda gwybodaeth newydd, ac mai dyma'r brif ffordd mae ysgolion a sefydliadau addysgiadol yn cyfathrebu.

Dywedodd yr Uwch Reolwr Cynradd ei fod ef, a'r Ymgynghorydd GwE, wedi mynychu cynhadledd Amrywiaeth a Dysgu Proffesiynol Gwrth-hiliol (DARPL) yng Nghaerdydd yn ymwneud â hyfforddiant gwrth-hiliol ar gyfer gweithwyr gofal plant a gwaith chwarae proffesiynol. Dywedodd bod cyswllt da wedi'i wneud gyda DARPL yn dilyn y cyfarfod. Dywedodd hefyd fod adnoddau wedi'u comisiynu gan Lywodraeth Cymru, sydd ar gael ar gyfer ysgolion.

Rhoddwyd cynnig i ysgolion weithio gyda CYSAG drwy wahodd aelodau i fynychu sesiynau addoli ar y cyd a theithiau cerdded addysgol y flwyddyn nesaf. Dywedodd yr Uwch Reolwr Cynradd y byddai aelodau'r CYSAG yn ymweld ag ysgolion mewn capasiti cefnogol yn hytrach na goruchwyllo gwersi, er mwyn gweld beth sy'n digwydd mewn ysgolion. Nodwyd bod angen hyblygrwydd wrth gynnal teithiau cerdded addysgol oherwydd gellir eu dehongli mewn ffyrdd gwahanol e.e. canolbwyntio ar waith y dysgwr, siarad â disgyblion, athrawon, cydlynwyr, yr ymdeimlad o ethos, edrych ar enghreifftiau o waith ysgol. Argymhellwyd y dylid gosod cyfyngiad ar nifer yr aelodau CYSAG a all gymryd rhan mewn ymweliad ysgol ar yr un pryd, fel nad yw ymweliadau o'r fath yn dasg feichus ar gyfer ysgolion.

Roedd y drafodaeth yn canolbwyntio ar a ellir cynnwys sesiynau addoli ar y cyd a theithiau cerdded mewn un ymweliad, ac a ellir defnyddio'r templed presennol ar gyfer y ddau h.y. Rhan A - Addoli ar y Cyd; Rhan B - teithiau cerdded.

Roedd yr athrawon-gynrychiolwyr yn croesawu'r ymweliadau ar y cyd mewn ysgolion, cyn belled a bo'r CYSAG yn ymwybodol o'r hyn maen nhw'n ymrwymo iddo, a bod Penaethiaid yn ymwybodol o'r hyn fydd ynghlwm â bob

ymweliad.

PENDERFYNWYD: -

- **Bod y CYSAG yn derbyn y cynnig i gymryd rhan mewn teithiau cerdded gydag ysgolion.**
- **Bod yr Uwch Reolwr Cynradd yn ysgrifennu at Benaethiaid ysgolion Ynys Môn er mwyn gofyn iddynt gytuno i gynnal teithiau cerdded yn eu hysgolion, a chodi'r mater hwn mewn fforwm strategol cyn cyfarfod nesaf y CYSAG.**
- **Bod yr Uwch Reolwr Cynradd yn trefnu i'r CYSAG ymweld ag ysgolion a pharatoi canllawiau ar gyfer teithiau cerdded addysgol.**

4. CYFANSODDIAD Y CYNGOR

Trafodwyd yr eitem hon mewn sesiwn breifat, fel y cytunwyd yn Eitem 2.

Cyfeiriodd y Cyfarwyddwr Addysg, Sgiliau a Phobl Ifanc at y penderfyniad yn Eitem 9 y cofnodion. Dywedodd y byddai angen cyngor cyfreithiol ar Gyfansoddiad y CYSAG, yn ogystal ag eglurder ar faterion eraill a drafodwyd yn ystod y cyfarfod, cyn y gellid penodi cynrychiolydd newydd i'r CYSAG. Nodwyd y byddai adroddiad yn cael ei baratoi ar gyfer cyfarfod nesaf y CYSAG ar 10 Hydref 2023.

PENDERFYNWYD: -

- **Bydd y Cyfarwyddwr Addysg, Sgiliau a Phobl Ifanc yn cysylltu gyda'r Adran Gyfreithiol i geisio cyngor ar Gyfansoddiad y CYSAG.**
- **Bydd yr Adran Addysg yn ceisio gwybodaeth bellach fel y trafodwyd yng nghyfarfod heddiw, er mwyn penodi cynrychiolydd newydd i'r CYSAG.**
- **Paratoi adroddiad ar gyfer cyfarfod nesaf y CYSAG ar 10 Hydref 2023 yn manylu'r meini prawf y mae'n rhaid i unrhyw gynrychiolydd newydd o'r CYSAG ei fodloni er mwyn ymuno a'r CYSAG.**

5. CREFYDD, GWERTHOEDD A MOESEG

Croesawodd y cadeirydd Miss Bethan James, yr Ymgynghorydd Cefnogi Gwelliant (GwE) yn ôl i'r CYSAG. Dywedodd Miss James ei bod hi'n hapus i ail-ymuno â CYSAG Ynys Môn unwaith eto ar ôl cymaint o flynyddoedd. Bu iddi gydymdeimlo â'r CYSAG a theuluoedd y diweddar Mrs Catherine Jones a'r diweddar Gynghorydd Alun Mummery am eu colled. Dywedodd bod ganddi atgofion melyn iawn o'r ddau pan roeddynt yn cynrychioli Ynys Môn ar y CYSAG.

Dywedodd yr Ymgynghorydd Cefnogi Gwelliant (GwE) ei bod wedi gweithio'n agos gyda Mr Phil Lord er mwyn cefnogi'r Dyniaethau ledled Gogledd Cymru. Dywedodd fod GwE wedi llwydo i gynnal hyfforddiant dwyieithog ar-lein ar gyfer athrawon ysgolion cynradd ac uwchradd yn ymwneud â Chrefydd, Gwerthoedd a Moeseg. Dywedodd y cynhaliwyd yr hyfforddiant ar-lein ym mis Mai – bu i 37 gofrestru ar gyfer y sesiwn Saesneg; roedd 3 athro o Ynys Môn yn bresennol

yn yr hyfforddiant. Bu i 21 gofrestru ar gyfer y sesiwn Gymraeg; roedd 4 athro o Ynys Môn yn bresennol. Nodwyd fod doler ar gael er mwyn manteisio ar yr hyfforddiant drwy wefan GwE.

Dyweddodd yr Ymgynghorydd Cefnogi Gwelliant (GwE) ei bod hi a Mr Phil Lord wedi cyfrannu at gynhadledd yn Venue Cymru ar 22 Mehefin yn ymwneud â'r Cwricwlwm i Gymru, lle cafodd ysgolion cynradd ac uwchradd glywed am brofiadau ysgolion eraill o ddatblygu'r cwricwlwm yn eu hysgolion. Cafwyd cyflwyniadau gan Owen Lloyd, Llywodraeth Cymru, Graham Donaldson, Chantelle Haughton (DARPL). Cynhaliwyd gweithdai ar gyfer y Dyniaethau a Meysydd a Phrofiadau Dysgu eraill, lle cafodd ysgolion gyfle i ddangos enghreifftiau o'u gwaith. Mae doler at y cyflwyniadau ar gael ar wefan GwE.

Nodwyd bod ymgynghorwyr GwE wedi cynnal sesiynau hyfforddiant Crefydd, Gwerthoedd a Moeseg ym Mhrifysgol Bangor ar gyfer darpar athrawon ysgolion cynradd. Mae GwE hefyd wedi cael eu gwahodd i gynnig sesiynau hyfforddiant y flwyddyn nesaf ar gyfer myfyrwyr blwyddyn 1 a blwyddyn 2.

Mewn perthynas â'r sector cynradd, mae GwE wedi comisiynu 6 ysgol gynradd o bob awdurdod lleol i ddatblygu pecyn i arddangos sut mae pob ysgol wedi paratoi a theilwra'r cwricwlwm i fod yn addas ar gyfer eu hysgol. Mae Ysgol Morswyn wedi derbyn comisiwn, a bydd ei phecyn cymorth ar gael ar gyfer ysgolion eraill yn 2024.

Mewn perthynas â'r sector uwchradd, mae GwE'n gobeithio trefnu Cynhadledd Dyniaethau ar gyfer athrawon uwchradd ym mis Tachwedd 2023. Rhennir holiadur ym Mwletin GwE yr wythnos hon ar anghenion ysgolion.

- **Nodir wybodaeth a gyflwynwyd.**
- **Fod yr Uwch Reolwr Cynradd yn dosbarthu holiadur Dyniaethau GwE ymhlith ysgolion Ynys Môn.**

6. YSGOLION/ESTYN

Arolygiad Ysgolion Estyn

Rhoddodd yr Uwch Reolwr Cynradd grynodedb o ganfyddiadau Arolygiadau Estyn y cwblhawyd mewn ysgolion ledled Ynys Môn.

Mynegwyd pryderon bod angen atgoffa Estyn i ddefnyddio'r derminoleg gywir mewn adroddiadau Cymraeg a Saesneg. Nodwyd, yn adroddiad Ysgol Esceifiog, fod Estyn yn nodi fod yr ysgol yn "*Mynychu gwasanaethau a gweithredoedd addoli dyddiol ar y cyd*", sy'n amlygu na allant fod yn gwneud y ddeubeth. Nid yw'r gair "gwasanaethau" bellach yn cael ei gynnwys mewn addoliad ar y cyd, ac mae "*addoli dyddiol ar y cyd*" hefyd yn anghywir yn y fersiwn Gymraeg o'r adroddiad.

Dyweddodd y Cyfarwyddwr Addysg, Sgiliau a Phobl Ifanc y byddai'n mynegi pryderon y CYSAG i Estyn yn ei gyfarfod nesaf yn ystod yr hanner tymor.

Roedd y CYSAG yn teimlo bod angen canmol ysgolion Ynys Môn gan fod yr holl sylwadau gan Estyn yn gadarnhaol.

PENDERFYNWYD: -

- **Nodir wybodaeth a gyflwynwyd.**
- **Bod y Cyfarwyddwr Addysg, Sgiliau a Phobl Ifanc yn codi pryderon y CYSAG mewn perthyn â therminoleg Estyn mewn adroddiadau, a chynnwys eitem ar yr agenda ar gyfer cyfarfod chwarterol nesaf Estyn.**

Cyflwynodd Mr Richard Jones, Pennaeth Ysgol Santes Fair yng Nghaergybi, gyflwyniad a oedd yn crynhoi'r gwaith sy'n digwydd yn ei ysgol, gan gynnwys addoli ar y cyd ac addysg Crefydd, Gwerthoedd a Moeseg.

Diolchodd aelodau'r CYSAG i Mr Jones am ei gyflwyniad ysbrydoledig, a'i longyfarch am ei waith rhagorol yn yr ysgol. Cafodd ei ganmol hefyd am gyflwyno elfen Gymraeg i Ysgol Gatholig.

Bu i aelod ofyn a ellir rhannu taflen werthuso'r ysgol gyda Chlerc y CYSAG er mwyn gweld a oes unrhyw elfen yn berthnasol i daflen werthuso'r CYSAG.

7. UNRHYW FATER ARALL

Mynegwyd pryderon nad oedd cofnodion y CCYSAGauC ar gyfer Mawrth 2022, a manylion am Gyfarfod Blynyddol y CCYSAGauC, wedi cael eu cynnwys yn agenda heddiw.

Ymddiheurodd y Cyfarwyddwr Addysg, Sgiliau a Phobl Ifanc am y camgymeriad, a dywedodd fod y cyfnod diwethaf wedi bod yn heriol i'r Adran Addysg oherwydd newidiadau ymhlith staff. Rhoddodd sicrwydd i'r CYSAG y byddai'r mater yn cael ei flaenoriaethu a'i adfer erbyn cyfarfod nesaf y CYSAG.

PENDERFYNWYD y byddai'r Cadeirydd a'r Uwch Reolwr Cynradd yn trafod materion yn ymwneud â'r CCYSAGauC.

8. CYFARFOD NESAF

Nodwyd y byddai cyfarfod nesaf y CYSAG yn cael ei gynnal ddydd Mercher, 11 Hydref 2023 am 2:00 pm.

Daeth y cyfarfod i ben am 4:40 pm

**CYNGHORYDD NON DAFYDD
CADEIRYDD**

This page is intentionally left blank



**Cyfarfod Cymdeithas CYSAgau Cymru,
Rhithwir trwy Zoom
19 Mehefin 2023
10.00 am - 12.00 pm**

Presenoldeb

<p>Ynys Môn / Anglesey Owen Davies (OD)</p> <p>Blaenau Gwent Chris Abbas (CA) Hayley Jones (HJ)</p> <p>Pen-y-bont ar Ogwr / Bridgend Alice Parry (AP) Donna Graves (DG)</p> <p>Caerffili/ Caerphilly John Taylor (JT) Marina Chacon-Dawson (MCD) Hayley Jones (HJ)</p> <p>Caerdydd / Caerdydd John Taylor (JT) Donna Graves (DG)</p> <p>Sir Gaerfyrddin / Carmarthenshire Jennifer Harding Richards (JHR)</p> <p>Ceredigion Keith Evans (KE) Mary Davies (MD)</p> <p>Conwy Phil Lord (PL) Collette Owen (CO) Ellie Chard (CE)</p>	<p>Sir Ddinbych / Denbighshire Phil Lord (PL) Geraint Davies (GD) Leah Crimes (LC) James Brown (JB) Ruth Thackray (RT)</p> <p>Sir y Fflint / Flintshire Vicky Barlow (VB) Lyn Oakes (LO)</p> <p>Gwynedd Paul Rowlinson (PR) Eurfryn Davies (ED)</p> <p>Merthyr Tudful / Merthyr Tudful Donna Graves (DG)</p> <p>Sir Fynwy / Monmouthshire Louise Brown (LB) Hayley Jones (EAS) Suzanne Gooding (SG)</p> <p>Castell-nedd Port Talbot / Castell-nedd a Port Talbot Nia Jenkins (NJ) Rachel Samuel (RS)</p> <p>Casnewydd / Casnewydd Hayley Jones (HJ) Huw Stephens (HS)</p>	<p>Sir Benfro / Pembrokeshire Jennifer Harding Richards (JHR)</p> <p>Powys John Mitson (JM)</p> <p>Rhondda Cynon Taf Mathew Maidment (MM) Donna Graves (DG)</p> <p>Abertawe / Swansea Jennifer Harding Richards (JHR)</p> <p>Torfaen Hayley Jones (HJ)</p> <p>Bro Morgannwg / Bro Morgannwg Kathy Riddick (KR) Donna Graves (DG)</p> <p>Wrecsam / Wrexham Tania ap Siôn (TS) Libby Jones (LJ)</p> <p>NAPfRE Paula Webber (PW)</p>	<p>Sylwedyddion:</p> <p>MAGC</p> <p>CBAC Chris Owens (CO)</p> <p>Estyn Aranwen Morgans-Thomas (AMT)</p> <p>Llywodraeth Cymru</p> <p>Yr Eglwys yng Nghymru</p> <p>Gwasanaeth Addysg Gatholig Angela Keller (AK)</p> <p>Cofnodion (o'r recordiad) Jo Nicholls (JNI)</p>
---	--	---	---

Cofnodion y cyfarfod

1. Cyflwyniad a chroeso

Croesawodd TaS bawb i gyfarfod yr haf a diolchodd i Awdurdod Lleol Sir Ddinbych a CYSAG/CYS am letya'r cyfarfod. Croesawodd a chyflwynodd TaS Bennaeth Gwasanaeth Addysg Sir Ddinbych, Geraint Davies.

Croesawodd Geraint Davies bawb i'r cyfarfod yn ffurfiol. Dechreuodd Geraint y cyfarfod gyda'r canlynol:

Mae'r cwricwlwm wedi mynd trwy gryn dipyn o newid dros y blynyddoedd diwethaf. Mae Crefydd, Gwerthoedd a Moeseg wedi cymryd lle Addysg Grefyddol. Mae'r gyfraith wedi ffurfioli cynnwys argyhoeddiadau athronyddol anghrefyddol ac erbyn hyn mae'n rhaid i'r sector gwirfoddol a gynorthwyr ystyried maes llafur cytunedig lleol hefyd.

Bu'r newidiadau hyn yn her i'n hysgolion, gyda phob her yn dod â chyfleoedd cyffrous i staff fod yn greadigol i ddarparu cwricwlwm gwirioneddol leol. Mae'r cyfleoedd i sicrhau bod CGM yn bwydo i'r pedwar diben yn rhan annatod o'r Cwricwlwm newydd i Gymru. Mae'r newidiadau hyn yn caniatáu i'n disgyblion fod yn unigolion iach a hyderus a chael gwerthoedd sicr a sefydlu eu credoau ysbrydol a moesegol. Mae'r cyfleoedd hyn yn helpu i'w siapio i ddod yn ddinasyddion egwyddorol a gwybodus ac i barchu hawliau ac anghenion pobl eraill yn ein cymdeithas amrywiol.

Rhoddodd Geraint Davies enghreifftiau o hanes Sir Ddinbych o ran ffydd a chred a myfyriodd ar sut y bydd yn newid yn y dyfodol.

Gwelodd yr 21ain ganrif gynnydd mawr mewn technoleg ac mae hynny wedi effeithio ac yn parhau i effeithio ar ein bywydau.

Mae angen arfogi ein pobl ifanc â'r sgiliau i ymgysylltu'n feirniadol â chredoau a'r buddion o'r gymdeithas y maent yn byw ynddi a chroesawu'r cymunedau cynyddol ryng-ddiwylliannol yr ydym i gyd yn eu gwasanaethu.

Diolchodd TaS i Geraint Davies am ei gyflwyniad ac am letya'r cyfarfod.

2. Myfyrdod tawel

Ym mis Mai 2023, cynrychiolodd LJ a TaS CCYSAGauC yng nghynhadledd NASACRE yn Llundain. Roedd NASACRE yn dathlu 30 mlynedd o'r Gymdeithas, yn cefnogi CYSAGau Lloegr.

Er ei bod yn amlwg bod systemau addysg Cymru a Lloegr yn dod yn fwyfwy gwahanol, mae yna hanes cyffredin nodedig sy'n werth ei ddathlu. Hanes sydd a'i ganolbwynt ar y rôl leol sylweddol a roddwyd i GYSAGau a CYSau ar gyfer CGM ac addoli ar y cyd. Hanes lle ffurfiwyd cymdeithas genedlaethol yn ystod y 3 degawd diwethaf ar gyfer gwaith CYSAGau a CYSau gan gydnabod gwerth y lleol ond hefyd y cryfder a'r gefnogaeth a ddaw yn sgil cydweithio ar lefel genedlaethol.

Arweiniodd TaS fyfyrdod tawel, pan ofynnwyd i aelodau oedi am gyfnod byr a dwyn i gof eu hawdurdodau lleol eu hunain yr oeddent yn eu cynrychioli heddiw. Beth sydd ganddyn nhw i'w gynnig i'r cyfarfod hwn a'r Cyfarfod Cyffredinol Blynyddol heddiw? Beth y gallant fynd ag ef adref gyda nhw i'w rannu?

3. Ymddiheuriadau

Ymddiheuriadau gan yr aelod o'r Pwyllgor Gwaith, Edward Evans, Elin Stock a Kate Russell o Cymwysterau Cymru.

4. Cofnodion y cyfarfod diwethaf a gynhaliwyd ar Zoom ar 21 Mawrth 2023

Newidiadau i'w gwneud:

Tudalen 1	Newid Microsoft TEAMS i Zoom.
Tudalen 2	JHR i'w chynnwys yn cynrychioli Sir Gaerfyrddin.
Tudalen 9	Canolfannau AG Rhanbarthol – newidiadau i'w gwneud, TaS i anfon yr union fanylion at Alice:

- Dileu brawddeg gyntaf yr ail baragraff.
- Camsillafu AREIAC ac AULRE
- Mae angen tynnu RE Today oddi ar restr sefydliadau'r grŵp llywio. (Nid yw RE Today wedi bod ar y grŵp llywio, yn hytrach mae'r 'Canolfannau AG Rhanbarthol' yn cael eu galluogi a'u cefnogi gan RE Today).
- Gellir ychwanegu NATRE at y rhestr yn ogystal â TRS-UK a Culham St Gabriels.

Gyda'r newidiadau uchod, cytunwyd bod y cofnodion yn gofnod cywir o'r cyfarfod a gynhaliwyd ar 21 Mawrth 2023.

Cynigiodd RS dderbyn y cofnodion ac eiliodd HS.

Bydd TaS yn arwyddo'r cofnodion terfynol a bydd AP yn ffeilio'r cofnodion.

5. Materion yn codi o gofnodion cyfarfod diwethaf CCYSAGauC.

Mae'r enw 'Regional RE Hubs' wedi newid i 'Regional RE Hubs UK'.

Bydd unrhyw faterion eraill sy'n codi yn cael sylw yn yr eitemau ar agenda'r cyfarfod.

6. Materion Llywodraeth Cymru:

- 1) Roedd yr unig gyfarfod ers yr adroddiad diwethaf yn ymwneud â'r adolygiad maes llafur cytunedig anffurfiol a gwblhawyd ddiwedd mis Mawrth. Mae Llywodraeth Cymru (LIC) wedi cofnodi ei diolch i CCYSAGauC am gynnal yr adolygiad o'r meysydd llafur cytunedig ac maent bellach yn y broses o ymateb iddo.

Mae gennym ddyddiad wedi'i drefnu ar gyfer cyfarfod â chydweithwyr yn Llywodraeth Cymru am hyn ac am faterion penodol megis y newidiadau y mae CCYSAGC wedi gofyn amdanynt i'r adran gyfreithiol ar Hwb.

- 2) Diweddariad dysgu proffesiynol cenedlaethol – mae CCYSAGauC yn cynhyrchu adnoddau cenedlaethol mewn partneriaeth â Llywodraeth Cymru. Cyflwynodd CCYSAGauC y swp cyntaf o restrau chwarae dysgu proffesiynol cenedlaethol yn y Digwyddiad Mewnwelediad Polisi ar 25 Ebrill 2023. Mae'r rhain bellach wedi'u cyhoeddi ar Hwb LIC. Daeth nifer dda i'r digwyddiad hwn gyda dros 100 yn bresennol. Argymhellir bod pob aelod yn ymweld â Hwb LIC i weld y rhestrau chwarae.

Mae gwaith yn parhau ar y swp nesaf o adnoddau CGM a byddant yn cael eu cyhoeddi yn gynnar yn nhyrnor yr Hydref. Bydd y rhain yn cynnwys CGM a sgiliau trawsgwricwlaidd – llythrennedd, rhifedd a chymhwysedd digidol, yn ogystal â rhestr chwarae ar gyfer llywodraethwyr ysgol.

Bydd trydydd swp o adnoddau yn cwmpasu addysgeg o fewn CGM, a CGM o fewn y dyniaethau.

7. Cyflwyniad PYCAG: Arfer sy'n dod i'r amlwg o safbwynt ysgol 'ffydd' [Leah Crimes – Pennaeth, Ysgol Santes Ffraid, Dinbych]

Cafodd cyflwyniad PYCAG ei gyflwyno gan Phil Lord, Ymgynghorydd Sir Ddinbych. Leah Crimes (LC) yw Pennaeth Ysgol Santes Ffraid, Dinbych. Ysgol ar gyfer plant 3-18 oed yw Ysgol Santes Ffraid, sydd wedi'i lleoli ar gyrion Dinbych. Mae'n ysgol ffydd gyda chymeriad crefyddol dynodedig. Mae ymddiriedolaeth yr ysgol yn dynodi cymeriad yr ysgol yn Gatholig, ond nid yw'n gysylltiedig â'r Gwasanaeth Addysg Gatholig nac Esgobaeth Wrecsam. O ganlyniad, nid yw'r ysgol yn dilyn cwricwlwm addysg grefyddol y Gwasanaeth Addysg Gatholig yn uniongyrchol.

Bu Ysgol Santes Ffraid yn gweithio gyda CYSAG/CYS Sir Ddinbych a PL ac mae'r ysgol wedi cynllunio CGM mewn perthynas â chanllawiau Llywodraeth Cymru ar CGM a maes llafur cytunedig Sir Ddinbych a'i chymeriad crefyddol dynodedig ei hun.

Cyflwynodd LC sampl o waith mewn perthynas â'r cwricwlwm CGM. Pwysleisiodd ei fod yn waith sy'n mynd rhagddo ac nad oedd yn awgrymu ei fod yn arfer gorau. Fe'i crëwyd gan ystyried y maes llafur cytunedig a gan edrych ar hanes Ysgol Santes Ffraid. Maent yn seilio Cwricwlwm i Gymru a chwricwlwm CGM yr ysgol ar eu cynefin gyda hanes yr ysgol a thu hwnt i Sir Ddinbych, ac mae'n cynnwys ystod o safbwyntiau plwraliaethol. Bydd LC yn gweithio gyda PL i fireinio a gwella'r cwricwlwm ar gyfer mis Medi. Mae'n ffordd newydd o addysgu ac wedi cael derbyniad da gan ddysgwyr hyd at flwyddyn 7 sydd wedi mwynhau'r profiad go iawn.

Bydd copi o'r cyflwyniad yn cael ei anfon at aelodau CCYSAGauC. Mae LC hefyd yn hapus i rannu adnoddau.

Diolchodd TaS i LC am y cyflwyniad ysbrydoledig.

LB: Diolchodd i LC am y cyflwyniad. Awgrymodd y byddai newid hinsawdd o waith dyn yn cysylltu'n well â stiwardiaeth yn hytrach na feganiaeth. O ran sancteiddrwydd bywyd, gan fod pleidiol i fywyd (*pro-life*) yn cael ei ystyried yn argyhoeddiad athronyddol anghrefyddol yn y Llys Ewropeaidd, gellid ei gynnwys yn unol â hynny. Er bod Dyneiddiaeth yn seciwlar ar hyn o bryd, yn y gorffennol bu Dyneiddwyr Cristnogol, ac mae'n werth ystyried hyn yn fanylach.

LC: Diolchodd i LB a chytunodd y byddai newid hinsawdd yn cyd-fynd yn dda â stiwardiaeth a chytunodd i edrych i mewn i pleidiol i fywyd. Diolchodd LC i LW am godi'r ddau bwynt hyn ac eglurodd fod rhai agweddau wedi'u crynhoi yn y cyflwyniad. Pwyntiau da i'n helpu i fireinio ein cwricwlwm.

PW: Diolchodd i LC am y cyflwyniad a'r meddwl dwfn sydd wedi'i roi i ddyluniad y cwricwlwm. Gofynnodd PW, sut, mewn ffordd ymarferol, y gwnaethant ddadbacio'r datganiadau o'r hyn sy'n bwysig yn ystod y broses o gynllunio'r cwricwlwm?

LC: Drwy gynllunio tuag yn ôl ac edrych ar sut y gallai eu plant ddeall y datganiadau hynny a gwneud yn siŵr eu bod yn rhoi'r sgiliau a'r profiadau iddynt allu taro'r datganiadau hynny. Maen nhw'n defnyddio rhaglen o'r enw Taith360 ond yn dal i benderfynu a yw o fudd. Mae'n rhaglen sy'n arddangos holl feysydd y cwricwlwm ac fe'i defnyddir fel arf cynllunio. Mae'n asesu eich cwricwlwm ac yn cynhyrchu allbwn â chodau lliw o gwmpas y datganiadau o'r hyn sy'n bwysig.

KE: Gofynnodd am gopi o'r sleidiau.

LC: Yn hapus i rannu'r sleidiau gyda'r aelodau ac yn fodlon siarad ag ysgol KE yng Ngheredigion.

LB: A yw Ysgol y Santes Ffraid yn ysgol wirfoddol a reolir yn hytrach nag yn ysgol wirfoddol a gynorthwyir?

LC: Ysgol Wirfoddol a Gynorthwyir yw Ysgol y Santes Ffraid.

TAS: Dymunwyd y gorau i LC wrth iddynt barhau ar eu taith.

GWEITHREDU: LC i anfon copi o'r sleidiau at yr ysgrifennydd i'w dosbarthu i aelodau CCYSAGauC.

Eglurodd TaS fod anhawster gyda'r cyfieithiad Cymraeg a chafodd y cyfarfod ei oedi tra daethpwyd o hyd i ateb.

8. Cymwysterau Cymru (QW)

RS: Daeth yr ymgynghoriad i ben ar 14 Mehefin. I baratoi ar gyfer hyn cynhyrchoedd Pwyllgor Gwaith CCYSAGauC fideo byr a rhannodd ymateb drafft y Pwyllgor Gwaith gyda ChYSAGau/CYS. Anogwyd CYSAGau/CYS i ymateb ac i rannu'r wybodaeth gydag athrawon yn eu hawdurdodau lleol.

Ymatebodd y Pwyllgor Gwaith i'r ymgynghoriad ar ran CCYSAGauC gan ddefnyddio barn a sylwadau a rannwyd yn flaenorol. Prif ffocws yr ymateb oedd:

- Nodi bod angen cymhwyster penodol ar gyfer Crefydd, Gwerthoedd a Moeseg am nifer o resymau, megis y rhai a rennir o fewn y drafft a ddosberthir i'r CYSAGau/CYS.
- Pwysleisiwyd pwysigrwydd ennill cymhwyster o fewn pwnc gorfodol a'i werth i'r dysgwyr.
- Dangoswyd sut y byddai'n cefnogi'r Cwricwlwm i Gymru a'r pedwar diben.
- Pwysleisiwyd y byddai hefyd yn rhoi cyfle am ddilyniant o fewn Crefydd Gwerthoedd a Moeseg hyd at 16 oed.
- Tynnwyd sylw at y broblem bod y TGAU newydd yn dechrau yn 2025 ac y bydd bwlch tan 2027 hyd nes y bydd y cynnig llawn yn dechrau cael ei ddyngu. Beth ellir ei wneud i ymateb i'r bwlch?

Y camau nesaf fydd aros i glywed canlyniadau'r ymgynghoriad. Bydd yn dibynnu ar nifer yr ymatebion a'u sylwadau a yw Cymwysterau Cymru yn awgrymu cymhwyster. Pe baent yn datblygu cymhwyster bydd yn gymhwyster byr ar Grefydd, Gwerthoedd a Moeseg a fydd yn eistedd o fewn y cymwysterau sylfaen. Rydym wedi pwysleisio, os caiff cymhwyster o'r fath ei ddatblygu, bydd angen iddo fod ar gael o safon lefel mynediad hyd at lefel 2 er mwyn sicrhau cyfleoedd i bob dysgwr. Os caiff cymhwyster o'r fath ei ddatblygu rydym yn sicr y bydd Cymwysterau Cymru mewn cysylltiad i dderbyn cymorth a chefnogaeth gan aelodau CCYSAGauC wrth iddynt ddatblygu'r cymhwyster. Byddwn yn eich diweddarau ar unrhyw ddatblygiadau pan fyddwn yn clywed mwy.

Bydd dyluniad terfynol y TGAU newydd yn cael ei gyhoeddi i'w ddatblygu gan CBAC ar 26 Mehefin.

TaS: Gobeithio bod Cymwysterau Cymru wedi cael nifer fawr o ymatebion, ac y bydd hyn yn effeithio ar y canlyniad. Pwysleisiodd TaS bwysigrwydd ymateb i ymgynghoriadau. Mae CCYSAGauC yn rhoi cymorth i GYSAGau ac CYSau wrth ymateb i ymgynghoriadau.

9. Cynhadledd EFTRE [Awst 2023]

Ym mis Mawrth cytunodd CCYSAGauC i ariannu un athro yn llawn i fynyachu'r gynhadledd ym mis Awst. Cadarnhaodd TaS y derbyniwyd un datganiad o ddiddordeb gan Alice Parry, Ysgrifennydd CCYSAGauC. Roedd TaS yn falch iawn y byddai AP yn gallu bod yn bresennol

a gofynnodd i AP adrodd yn ôl i'r aelodau ar ôl y gynhadledd.

10. Diweddariadau:

- **Adroddiad gan y Pwyllgor Gwaith a gynhaliwyd ar 17 Mai 2023**

TaS – ymdrinnir â'r rhan fwyaf o bethau ar yr agenda.

Cytunodd y Pwyllgor Gwaith i gynnal cynhadledd CCYSAGauC yn y flwyddyn ysgol i ddod. Mae cynllunio wedi dechrau a bydd yn cynnwys dysgu proffesiynol cenedlaethol ac astudiaethau achos. Nod CCYSAGauC yw creu digwyddiad cyffrous ac arloesol. Fel sy'n arferol, bydd CCYSAGauC yn gweithio gyda PYCAG o ran cynllunio. Bydd CCYSAGauC yn ariannu'r gynhadledd yn llawn. Nid yn unig y bydd ar ffurf diwrnod cynhadledd llawn ond bydd cyfres o seminarau ar-lein yn arwain at y gynhadledd. Bydd y rhain i gyd ar gael am ddim i GYSAGau/CYSau sy'n aelodau a'u hysgolion / ymarferwyr. Mwy o wybodaeth i'w rhannu yn nhymor yr hydref.

Cytunwyd i ddyfarnu honorariwm i Ysgrifennydd Cynorthwyol CCYSAGauC i gydnabod y gwaith aruthrol sy'n cael ei wneud yn y rôl hon.

- **Estyn**

TaS: Yng nghyfarfod y gwanwyn darparodd Estyn bapur briffio defnyddiol ar arweiniad arolygu Estyn ar gyfer ysgolion.

AMT: Diolchodd i CCYSAGC am wahodd Estyn i'r cyfarfod ac roedd yn falch o glywed bod y papur briffio yn ddefnyddiol. Adroddodd AMT fod Estyn yn y broses o baratoi'r fframwaith arolygu newydd ar gyfer 2024. Mae'r ymgynghoriad ar agor ar wefan Estyn ac anogodd AMT bawb i ymateb. Bydd Estyn yn hapus i roi diweddariad byr yn y cyfarfod nesaf.

Diolchodd TaS i AMT a derbyniodd gynnig Estyn i roi adborth yn y cyfarfod nesaf. Pwysleisiodd TaS bwysigrwydd ymateb i ymgynghoriadau.

- **CBAC**

CO: Diolchodd i CCYSAGauC am y gwahoddiad i'r cyfarfod. Mae CBAC reit ynghanol arholiadau llawn tan ddiwedd mis Gorffennaf ac ni all siarad am gyfres bresennol arholiadau haf 2023.

Cadarnhaodd CO fod gostyngiad wedi bod yn nifer yr ymgeiswyr ar draws TGAU, UG a Safon Uwch Astudiaethau Crefyddol.

Dim ond Astudiaethau Crefyddol TGAU yw cyfrifoldeb CO, a bydd y canlyniadau'n cael eu cyhoeddi ar 24 Awst, 2023.

Yn dilyn eitem Cymwysterau Cymru ar AG, mae CBAC yn aros am y deunyddiau diweddar gan CC o 26 Mehefin, 2023.

Mae'n werth nodi bod CBAC yn y broses o benodi ymgynghorydd pwnc ar gyfer Astudiaethau Crefyddol a hefyd yn edrych am gefnogaeth i helpu gyda'r gwaith o ysgrifennu deunyddiau. Mae'r hysbyseb yn cael ei harddangos ar wefan CBAC. Maent yn chwilio am awduron pwnc ar gyfer y fanyleb newydd. Y cylch gwaith yw helpu i gynhyrchu cynnwys y fanyleb yn unol ag amlinelliad y cymhwyster i gynhyrchu tasgau asesu, cynlluniau marcio ac ati. Y dyddiad cau ar gyfer ceisiadau yw dydd Gwener 7 Gorff. 2023.

Yn Nhymor yr Hydref, bydd y Dysgu Proffesiynol (DPP gynt) yn cynnwys digwyddiadau wyneb yn wyneb a drefnwyd ar gyfer Caerdydd a Llandudno a bydd amserlen digwyddiadau PL **Cardarg** (1.25.53 munud) yn cael ei chynnal yng Ngogledd Cymru.

Diolchodd TaS i CO am y diweddariad defnyddiol.

- **Cyngor Addysg Grefyddol - REC**

KR : Roedd hi'n hanner canmlwyddiant y Cyngor ddechrau mis Mai. Cynhaliwyd digwyddiad mawr yn Neuadd Conway yn Llundain, cartref The Ethical Union. Cafwyd cyflwyniad gan Gomisiynydd Plant Lloegr a oedd yn athrawes AG ei hun.

Yn y cyfarfod rhoddodd KR gyflwyniad ar y cynnydd yng Nghymru gyda'r cwricwlwm newydd gan gydnabod yr hoffai'r rhan fwyaf o'r gymuned AG yn Lloegr fod yn symud i'r un cyfeiriad â Chymru a chael cefnogaeth gref gan y Llywodraeth yn cydnabod pwysigrwydd CYSAGau ac CYS.

Ar ddiwedd mis Ebrill, cafodd y Cyngor gyfarfod gyda chynrychiolwyr o Sefydliadau Cymreig sy'n rhan o'r REC: hynny yw, CCYSAGauC, MAGC a'r Eglwys yng Nghymru. Roeddem yn gallu rhoi ein persbectif iddynt ynghylch a ydym yn credu bod y REC yn lle i Gymru gael ei chynrychioli gan fod cwricwlwm y ddwy wlad yn amrywio cymaint. Nodwyd ei bod yn bwysig bod y Cyngor yn cydnabod Cymru ym mhopeth a wna ac nad yw'n dod yn sefydliad sy'n canolbwyntio ar Loegr.

Bydd y REC nawr yn gweithio ar sut y gall Cymru gael ei chynrychioli'n llawnach yn y gwaith y mae'r Cyngor yn ei wneud.

Diolchodd TaS i KR am y diweddariad.

- **EFTRE**

Mae PL yn annog pawb i edrych ar y wefan; mae adroddiadau diddorol ar gael o'r gwledydd. Mae'r un ar gyfer Cymru wedi'i gwblhau ac yn aros i'w lwytho i fyny i'r wefan. Mae fideos hyfforddi hefyd ar gael ar wefan EFTRE.

TaS: Diolchodd i PL am gynrychioli CCYSAGauC ar fwrdd EFTRE.

- **MAGC**

Dim cynrychiolydd yn bresennol.

- **PYCAG**

Cyfarfu PYCAG yr wythnos diwethaf. Hwn oedd cyfarfod cyntaf PW yn ôl ac mae PL wedi bod yn mynd ar ei rhan.

Mae PYCAG hefyd wedi ymateb i ymgynghoriad Cymwysterau Cymru yn unol ag ymateb CCYSAGauC.

Mae PYCAG yn falch iawn ac yn gyffrous bod CCYSAGauC yn bwrw ymlaen â'r gynhadledd ac yn edrych ymlaen at gymryd rhan lawn yn y broses gynllunio.

Ailsefydlwyd y gweithgorau yr wythnos diwethaf i edrych ar y materion mwyaf taer. Yn ogystal â'r cyfarfodydd tymhorol, mae PYCAG yn mynd i dreialu cyfarfod unwaith y mis gyda sesiynau min nos ychwanegol i weithio ar brosiectau. Os oes unrhyw beth yr hoffai aelodau CCYSAGauC i PYCAG edrych arno, yna cysylltwch â PW.

Mae pedwar mater wedi'u nodi i CCYSAGauC eu hystyried:

- 1) Cyfarfu'r grŵp yr wythnos diwethaf i drafod Adroddiadau Blynyddol CYSAG/CYS. Hoffai PYCAG i CCYSAGauC ysgrifennu llythyr at Lywodraeth Cymru yn gofyn am ddiweddariad ar statws fersiynau cyfredol 1996 a 2006 o ddogfen ganllawiau yr

adroddiad blynyddol a gynhyrchwyd gan ACCAC. Mae PYCAG yn ystyried bod y ddogfen hon wedi dyddio o ran cynnwys iaith, arfer cyfredol, cwricwlwm ac ati.

Cytunodd aelodau WASCRE â'r cais hwn.

- 2) Mae CCYSAGauC yn cynnal cyfarfod â LIC bob tymor, gyda chynrychiolydd PYCAG. Gofynnodd PW a oedd cyfarfod wedi'i drefnu cyn diwedd y tymor i drafod yr adroddiadau blynyddol.

Atebodd TaS fod gan CCYSAGauC gyfarfod wedi'i drefnu gydag agenda benodol ond y bydd yn cysylltu â PW i weld beth y gellir ei gynnwys o fewn amserlen y cyfarfod hwnnw.

- 3) Yn ddiweddar bu PYCAG yn trafod natur CGM yn y cwricwlwm newydd a sut y'i datblygwyd yn y broses ysgrifennu a sut y cafodd ei ysgrifennu i fod yn ddisgyblaeth pwnc trylwyr sydd â chydardoldeb â disgyblaethau eraill y dyniaethau. Arweiniodd hyn at PYCAG i ystyried ymgymryd â darn o waith a fyddai'n mynd i'r afael â'r mythau a'r camddealltwriaeth sydd wedi codi, neu a allai godi, ynghylch CGM. Roedd PW yn meddwl tybed a fyddai gan CCYSAGauC ddiddordeb yn y ddogfen hon 'mythau a chamddealltwriaeth' efallai fel Cwestiynau Cyffredin i'w harddangos ar y wefan?

Dywedodd TaS y byddai gan CCYSAGauC ddiddordeb mewn gweld y ddogfen ar ôl iddi gael ei datblygu. Cytunodd aelodau CCYSAGauC.

- 4) Yn ystod y cyfarfod diweddar, lluniodd DG mewn cysylltiad â HJ restr chwarae ar gyfer aelodau CYSAG/SAC er mwyn eu helpu i ddarparu DP ar eu rolau a'u cyfrifoldebau. Gofynnodd DG i PYCAG sicrhau ansawdd y rhestr chwarae. Roedd PW yn meddwl tybed a fyddai o ddiddordeb i Gymdeithas CYSAGau Cymru gynnwys hon ar y wefan neu ei rhannu â ChYSAGau/CYSau eraill er mwyn iddynt allu cyrchu'r rhestr chwarae.

TaS: Mae hwn yn swnio fel adnodd i'w groesawu'n fawr. Gallai fod yn ddefnyddiol hefyd edrych i weld a all ymuno â maes perthnasol ar Hwb Llywodraeth Cymru.

LB: Yn cofio'r cwestiwn am arweiniad y Cyngor Eglwysi Rhyddion a'r drafodaeth ynghylch a allai CCYSAGauC roi hwn ar ei wefan hefyd. Bydd yn ddefnyddiol edrych ar y rhestr chwarae yn gyntaf.

Cydnabyddir bod proses gyfan o sicrhau ansawdd ar gyfer Hwb a byddai CCYSAGauC yn chwarae rhan yn hyn o ystyried pwnc y rhestr chwarae.

Bu PYCAG hefyd yn trafod y ddogfen 'Felly rydych chi'n ystyried ymuno â'ch CYSAG lleol' cafodd hon ei diweddarau gan RS a PW ychydig yn ôl, ond mae angen ei hailysgrifennu oherwydd bod deddfwriaeth wedi newid. Ai dyma'r amser iawn i ddiweddarau'r ddogfen hon.

TaS: Yn cytuno mai dyma'r amser iawn ac yn awgrymu bwrw ymlaen.

GWEITHREDU : Aelodau CCYSAGauC i gysylltu â PW gydag unrhyw beth yr hoffent i PYCAG weithio arno.

- **Rhwydwaith Rhyng-ffydd**

Adroddodd LJ fod yr [wythnos Rhyng-ffydd](#) yn cael ei chynnal rhwng 12 a 19 Tachwedd 2023. Mae'r Rhwydwaith yn awyddus i gael ysgolion a sefydliadau i baratoi'n gynnar ac i ddechrau meddwl sut i ddefnyddio'r wythnos hon fel llwyfan i amlygu a dyfnhau dimensiynau crefydd a chred rhyng-ffydd eu gwaith. Ceir llawer o syniadau am weithgareddau ar y wefan [Rhyng-ffydd](#).

Ni fydd Cymunedau Tai yr Adran Ffyniant Bro yn ariannu'r Rhwydwaith rhyng-ffydd bellach ac nid yw wedi bod yn gwneud ers mis Ebrill 2023. Mae Bwrdd Ymddiriedolwyr a staff y

Rhywdwaith yn gweithio i fynd i'r afael â'r sefyllfa heriol hon ac mae'r Bwrdd wedi cyfarfod yn wythnosol i adolygu'r sefyllfa ariannol yn ofalus, gan gymryd camau priodol fel y gall gwaith hanfodol y Rhwydwaith barhau. Maen nhw wedi gofyn i gyrff sy'n aelodau ysgrifennu at weinidogion a ffigyrau cyhoeddus eraill i ddangos cefnogaeth i'r Rhwydwaith Rhyng-ffydd.

TaS: Bydd y cais hwn yn cael ei ddwyn yn ôl i Bwyllgor Gwaith CCYSAGauC i ystyried ysgrifennu llythyr ac at bwy.

CA: Awgrymir cysylltu â Chyngor Rhyng-ffydd Cymru i gael newyddion mwy lleol am yr wythnos Ryng-ffydd.

11. Gohebiaeth

- E-bost oddi wrth CA gyda thaflen am brosiect peilot fideo byr i bobl ifanc.
CA : Mae hon yn fenter gan Gyngor Rhyng-ffydd Cymru sy'n gofyn i bobl ifanc greu ffilmiau byr o gwmpas gwasanaeth i'r gymuned, mewn unrhyw ffordd y dymunant. Gobeithir dangos y rhain rywbryd i ddathlu pen-blwydd y mudiad yn 20+ eleni.

TaS : Diolchodd i CA am rannu'r fenter hon ac awgrymodd efallai y byddai ymgynghorwyr am fynd â hyn i'w CYSAGau a'u CYSau lleol a nodi ysgolion a allai fod eisiau cymryd rhan.

- E-bost gan PYCAG ynghylch y 4 pwynt a godwyd yn eitem 6.

12. Unrhyw fater arall (i'w gytuno cyn y cyfarfod gyda'r Cadeirydd)

HS: Ar ran y Pwyllgor, diolchodd HS i TaS fel Cadeirydd ac aelodau'r Pwyllgor Gwaith am eu cynrychiolaeth mewn cyfarfodydd ac am adrodd ar ran CCYSAGauC. Mae hyn i gyd yn golygu cryn amser ac mae'n bwysig iawn bod yr arbenigedd hwn yn cael ei roi ar eu rhan.

TaS: Diolchodd i HS am ei gefnogaeth a'i gydnabyddiaeth.

13. Dyddiad y cyfarfod nesaf: Tymor yr Hydref,

Bydd hwn yn gyfarfod Zoom ddydd Mercher 25 Hydref 2023 dan ofal RhCT.

Diolchodd TaS i awdurdod lleol Sir Ddinbych am letya'r cyfarfod. Daeth y cyfarfod i ben am 11.50pm.

This page is intentionally left blank